

畿輔通志卷二百三十五

列傳四十三 國朝十 河間二

國朝

河間府

任邱縣

劉正

子鑣

史以慎

舒勳

附王玉欽等二十一人

王登錄

李陶

附李開先等十人

劉汝植

李天敘

父魁春子儀古

郭之培

張厥修

舒北恆

郭希孟舒人龍

王廷璋孟允中

徐應試

宗世臣

胡權

龐克慎

父招俊子塏

璽

李經垓

子鏗

邊銘珣

子睿睿子怡怡子繼祖

章漢

李師沆

謝公洪

卷二百三十五 列傳四十三

李鏞

盧珍

李春源 子學禮

高成齡

父隆

李之果

兄之男

李鎧

邊汝言

金璞

呂勤

邊溪

蘇才偉

李鉤 子法顏

張文焯

張琚

子學默
孫重振

葉祝

郝大倫

李貴

王涑

劉牧

崔琳

李法孟

王應鯨

劉琴

邊連寶 祖之鉉
父汝元

兄中寶 中寶子廷掄
廷掄子士培 士圻

王應契

殷四端

劉炳

檀振遠

李中簡

父楫

孫式廓

劉國樑

舒其紳

邊學海

邊又禧 弟嚮禧

邊思訥 子九鑿

謝之燧

李光謙

邊聖照 子志醇

王廷建

邊象曾

邊壽封

盧廷棟

張述渠

郝光甲

交河縣

馬恆 劉標

王瑄 父禧

蘇就大 弟俊大

子曙 子蘭成 睚 睚

蘇矚

蘇鈺 蘇灼

溫得之

王蘭生

常青岳

蘇鶴成

甯津縣

蘇騰鳳

宋賓王

吳名鳳

李琮

龐朋

劉西園

卷之三十三 列傳四十二

謝文斌 附殉難諸人

景州

劉三章 孫儼

賈錫頴

王瑞

劉鯤化

王階

張衡 父培真

李孔嘉 父化龍 子廷徵

張恂

戈時雍 方科

李廷亮 子衍會

曹國勳 父日序 子昕

李覲會 子基瑋 子景

澄

張克瓚 子咸 叔迪子翥 咸子淑迪

呂建陽 高基 基弟捷 張國哲 國哲弟燕 譽國常 燕 譽子夢齡 國常孫劬 劉任 徐懷仁 張祖志

張嵩年 封接隆 趙鼎 鼎子志汾 吳歸然 盧醜 張文卓 張元齡 張禮 吳捷 白風高 任國政

張祖德 劉源溥

李遇奇

張元健 戈可展

安國衛 趙良弼 孫枝裔 朱蔚然 胡士彥 孫中麋

張鎰 子澈

中向旭 王唐

劉光謨 子國楨

張羽絨 父國範

劉承摯

高惟聰

魏廷珍

張念祖 陳琬

張芝眉 弟芝馥

李世奇 戈惠濡

劉燉若

張耀曾

曹清

張順 張殿甲 史連陞

張世恩

張為籛

張兆麟

龐世騶

戈昫

張招覲

李景潞 子蘊

張會燠 任南金

張仁

張鼎錫

高嵐 陳維墀

東光縣

劉纘宗

馬化麟

馬廷贊 族弟之騏

馬廷宣 弟廷翰

馬孔任

馬之騅 子孔懷

馬兆鰲

路雲峯 孫毓璜

趙璘

王璣

王彤

王本仁

馬春坊

吳聚善 吳連三 邢萬春 子仁德 仁
和 劉永泰 附殉難諸人

吳橋縣

劉澤厚 弟澤嗣
周永泰 王性剛 徐洗 孫守才
王豐甯 王觀光

竇豸 范從善 楊文 王翰
劉子正 父靖華

王孫錫 子作肅 實堅子問羹 履吉
崔源

萬邦翰
王亨嘉 兄一石
周曰庠

李炯
季崇楷 子炬
祝德全

王文友
祝銘恩
方良 楊鈞 劉懷
清 趙培芝

鳳翔 張兆慶 孫繩祖 崔元龍 楊殿清 干
趙慶祥 劉德泰 附殉難諸人

故城縣

高璽大
沈嘉客
劉清濂 子梅

王開期
賈潤 子樸 孫如璽 延泰 延泰子
錢 炎 錢子汝愚 汝愚子臻

賈泓 子棠

祕丕笈 子世貞

任邱縣

劉正字文若一字振之其先延慶州人遷任邱遂占籍正幼穎異總角能文嘗得舊搨十三經研習之遂兼五經冠童試補諸生正豐於財購書甚富第其甲乙而裝演之慕司馬遷之遊南涉江淮餽精舍於臨清與江南諸名士燕集角藝其中時正年最少羣推爲壇坫祭酒順治初

恩選第一

廷試授山西代州知州代瀕邊土瘠兵民雜處俗競而囂正至州去其不便於民者慎訟獄絕苞苴輕徭緩賦吏民畏懷月會以五經課諸士人勤於學巡撫以治行超卓薦大同姜瓖叛正治戰守具賊數萬晝夜攻十旬不去城內奸宄有約內

應者正每夕率百騎立通衢傳餐伺之且下令曰宵行者斬
謀遂沮令子鑣匿告急蠟書夜縋透圍出大兵至賊始解以
守禦功晉郡丞領代如故奸民欲煽惑官軍乘亂規利誣富
民爲逆黨正抗聲曰民勢孤援絕脅於賊非其本心今日爲
賊而草薙之則人人致死是爲賊樹黨也皆獲免改補陝西
商州招流移豁逋負革雜派植農桑緩催科興水利一意與
民休息倡修龍駒寨以通商貨設戍防創五經社聚多士講
習其中分守商雒使者許某與州舉人某有隙陰囑正中以
危法正不從署齋壁曰鬼神式臨不敢殺人媚人也許大恚
動輒齟齬遂拂衣歸取道中州愛蘇門百泉之勝留寓七載
與孫奇逢遊潛心性命之學沛然有得抵里囊橐蕭然正性
至孝喜談經濟大略戎馬逆旅間守一編不廢學以朱子爲

正極論頓悟之謬曰如是不墮禪者幾希體貌岸然而溫恭

泛愛聆其言藹如也康熙二十五年卒年七十五李因篤撰墓誌崇

祀代州名宦祠縣志鑣字長馭一名樵隱字慕菴六真居士其

晚號也幼耽書史年十二食廩餼好技擊弢鈴諸學李恕谷撰墓表

隨父正任代州會姜瓖叛圍代十旬城幾陷正合鑣納蠟書

革履中夜縋城出間道趨太原謁敬謹親王請援卒王與語

大奇之引兵赴代戰城下正出城率民兵夾擊之賊潰走鑣

不言功應蜀順慶王守聘值吳逆叛陷賊中以智免縣志陳其

年為龐塏敘詩有云故人遠別飄零為胸臆之蠻是也墓表奮

為將軍王進寶聞鑣名引為參佐畫策皆中一夜鑣聞十餘

里外戛戛有聲遽白進寶曰賊來劫營當設伏以待進寶從

之賊至伏起遂大敗吳逆平進寶疏薦授鹽亭知縣治鹽有

聲開鹽井十有八民便之父憂歸事母孝母沒遂縱遊天下

諸名勝與孫奇逢傅山李因篤遊數歲一歸省墳墓不入內

室年七十餘復遠出或挽之泣曰吾生不能奉吾父誓不受

妻子養也拂衣去遊匡廬卒年七十五子濤以櫬歸縣志鏹膏

言世不知我當以無用為用高枕於匡廬吾夷之巔足矣墓表

著據梧吟詩草二十卷縣志弟鏞字次彝諸生幼嗜學以博洽

聞與同邑龐塏兄弟唱和為樂事父兄以孝友聞年七十八

卒縣志子瀚源瀚濱皆以孝友世其家墓表

史以慎字眞常幼聰慧日誦千言年十七中明崇禎三年舉

人甲申後絕意仕進顏其室曰粥若山房自號粥若山人讀

書賦詩其中累旬日不出與同邑諸名士分題命酒言不涉

世事晚慕竹林諸人高自脫略使酒作達遇飲必醉輒歌哭

躑跳人厭避之呼爲酒怪性至孝事母劉依戀如嬰兒歲荒
隔日一舉火知縣翁年奕義其行饋以粟辭不受其介如此

著有粥若山房詩一卷

龐塏撰傳

舒勳字季常貢生性孝友父母卒慟絕復甦晨夕至墓奠祭
三年設義學教鄉黨宗族年饑濟貧恤孤鄉人稱善舉孝廉
方正鄉飲大賓卒年八十二王玉欽康熙初歲饑出穀百餘
石佐賑時以好義樂施著者又有廩生舒所獲拔貢李權舉
人李桐貢生張紹虞謝裕模李讓諸生舒君敬李珍張珽監
生舒集祉舒東嶧李鴻儒李亮祖宗瑾邊珣孫資敏伏汝學
高太玉王好仁李士美黃鑑二十一人

縣志

王登錄字拱北順治三年進士授稷山縣知縣負才明敏興
革悉合民意姜逆陷城被執不屈賊羈之守者素德登錄縱

詣王營陳賊可破狀留軍中督餉賊平補永新知縣邑荒殘
人戶逃竄登錄與民休息市井改觀縣志著有梅軒詩草畿輔詩
傳

李陶字淑井順治三年進士授沔陽縣知縣以親老不赴生
養死葬俱中禮外母張死郡城難冒鋒鏑收其骸以歸當事
議開滹沱河陶爲書上當事陳其害議遂寢至今人食其利
卒年七十五子柳以孝聞拔貢李開先武舉邊汝楫舉人邊
元邃廩生檀煌弟煒諸生高拱舒鑰劉鉞弟銘貢生劉岳曾
監生黃熙郭爲憲徐碩儒徐闇然王則友夏棟孟鑑中王溱
王珍俱以孝友稱縣志
劉汝植字健之順治五年貢生授沙河訓導歲大祲煮粥濟
貧就食者數千人學使熊伯龍疏薦升陝西甘泉知縣以清

儉聞報最擢河南陳州知州緝逃墾荒馭吏嚴整皆股慄奉

法二年致仕歸四壁蕭然年八十八卒

縣志

李天敘字完白父魁春諸生有孝行祀鄉賢天敘明崇禎十一年拔貢

國朝授平涼府通判地遭兵燹戶僅二十四男女僅六十餘鳩形鵠面且胥且民天敘以恩撫之多方招徠流亡復集逆弁王元馬德殺撫軍焦安民以叛關西震動新撫張某檄天敘往撫毅然以行至軍二逆命左右露刃晚之從者股栗無人色天敘坦然若不睹諭以順逆利害二逆就撫歸張戲下張以二逆終反側當誅天敘謂宜散其黨乃可圖卒如其策治內羅山地險羣盜嘯聚出沒無時參將張某輕騎襲之遇害鎮帥監司會兵往剿天敘獻策募鄉導引軍直搗賊穴令鎮

兵繞出其後來擊之賊宵潰遂平丁外艱歸士人感其德裹糧攀送二百里不絕卒祀鄉賢子儀古字淑復號尙友順治六年進士授檢討十一年轉右春坊右贊善十二年纂修順治大訓常從

世祖校獵南海子應制賦詩稱

旨轉中允補宏文院修撰尋陞祭酒儀古念文體卑靡士不學古每於試日經藝外旁及古文詩歌士風大振康熙二年以宏文院侍讀學士典浙江試得士之盛甲天下以疾卒著有綸音

彙記尙友山房文集行世

縣志

郭之培字生洲兵部尙書乾曾孫父茂勳以諸生殉戊寅邑難之培事祖母邊繼母紀以孝聞遇寡嫂撫孤姪並有恩登順治六年進士授固原州知州勸開墾勤撫字通郵傳清編

審治行爲三秦第一以總督薦超擢平鳳臨鞏興屯道母憂服闋補甯夏河西道路出固原士民遮道攀留數日乃得行抵任綏兵輯民動遵古法擢廣西桂平道歷遷浙江按察使縣志吏抱牘案前次第批答悉中人意吏驚爲神事畢靜坐惟一子侍側而已府志值閩藩變晝守禦策訐告脅從者五十餘案原情抵罪皆得其平以勞卒官崇祀浙江名宦

張厥修字慎生順治九年進士授嘉興知縣忤當事歸厥修孝友潛心學問著有四書體要經書論要勤學箴刪定性理纂要經書大全行世

舒北恆字篤功諸生侍母張病不解帶年餘母卒苦塊三年不入內室郭希孟廩生親沒築室墓側讀書其中知縣旌其門王廷璋父沒三年與妻異室飲食必獻父如生時舒人龍

侍母湯藥旬餘廢寢食母沒毀卒孟允中母病痢嘗矢甘苦
母亡亦以哀毀卒

徐應試七世同居著家訓數十則邑人法之

宗世臣家貧父復柯年饑率妻子就食河南世臣傭工養祖
父母年餘聞父死踉蹌奔赴負骸扶母以歸母病不能行兼
負母抵家聞者泣下

胡權字義公康熙九年進士官河南寶豐知縣縣遭流寇變
田地荒蕪權榜示招徠貸農器牛種禁吏胥無相擾躬行田
間行獎勸民大集丁艱歸再補河南祥符縣卒年六十二俱同

上祀名宦

河南通志

龐克慎字徽五諸生祖泮著尙書講義父招俊事親孝土寇
作亂招俊負父母匿蘆葦中朝入暮出懷食以供母卒搆土

以殯父卒亦如之著有尙書正旨旁訓康熙中

欽定書經傳說彙纂採用龐氏說卽招俊也克慎家世授尙書著尙

書傳習錄藝院歸約諸書教授生徒皆有條法子塏以不善

事上官歸克慎怡然曰吾不憂汝以墨敗行常恐以直賈禍

今知免矣年八十有六卒

縣志

著有裕德堂稿

畿輔詩傳

塏字霽

公號雪崖康熙十四年舉人幼有至性七歲時父中蜚語被

逮母日夕叩天求佑塏隨泣拜弗輟母沒求佳槥不得哀徹

衢巷鄰人張在田授之柏棺人兩美之十八年己未以博學

鴻詞

召試授翰林院檢討纂修明史有明都御史某裔夜懷金乞勿列魏

傳力拒之改補內閣中書舍人升工部都水司主事晉員外

郎遷戶部廣西司郎中三十七年授福建甯府知府浦城